



UNIVERSITETI "ISA BOLETINI" MITROVICË

Newsletter Prill-Qershor 2022



KAMPUSI UNIVERSITAR

Rr. Ukshin Kovaçica, p.n, 40000, Mitrovicë, Kosovë

Web: www.umib.net

Email: info@umib.net

Facebook: Universiteti "Isa Boletini"- Mitrovicë

Instagram: [uibm_net](https://www.instagram.com/uibm_net)

Tel: 00383 (0)28 515 516




Rektori Musaj mori pjesë në dëgjimin publik për Projektligjin për Agjencinë e Kosovës për Akreditim

Rektori i Universitetit “Isa Boletini” në Mitrovicë, prof.dr. Alush Musaj, ka marrë pjesë të mërkurën në dëgjimin publik për Projektligjin nr.08/L-110 për Agjencinë e Kosovës për Akreditim. Ky dëgjim publik u organizua nga Komisioni për Arsim, Shkencë, Teknologji, Inovacion, Kulturë, Rini dhe Sport dhe HERAS Plus.

Panelistë në këtë aktivitet ishin: Ardian Gola, kryetar i Komisionit për Arsim, Shkencë, Teknologji, Inovacion, Kulturë, Rini dhe Sport, Arbërie Nagavci, ministre e Arsimit, Shkencës, Teknologjisë dhe Inovacionit dhe Aqim Emurli nga HERAS Plus. Dëgjimi publik u organizua për të ofruar mundësi që përfaqësuesit e institucioneve publike dhe private të arsimit të lartë, përfaqësuesit nga bota akademike, ekspertët dhe grupet e interesit të ofrojnë vërejtjet dhe rekomandimet e tyre për Projektligjin nr.08/L-110 për Agjencinë e Kosovës për Akreditim.

06/04/2022



Zhvillohet punëtorja e radhës nga projekti QATEK- Udhëheqja e mësuesit, roli i mësuesit në përmirësimin e shkollës dhe përkrahja e zhvillimit të nxënësve dhe të mësuarit efektiv

Profesorët dhe asistentët e Fakultetit të Edukimit, në kuadër të aktiviteteve të parapara me projektin: Drejt një edukimi fillestar të mësimeve të orientuar drejt cilësisë për ngritjen e profesionalizmit të mësimeve në Kosovë (QATEK), më 6-8 prill 2022 morën pjesë në punëtori për modulet: Mësuesi drejtues dhe roli i tij/saj në përmirësimin e shkollës dhe Mbështetja e zhvillimit të nxënësve dhe të nxënësve efektiv.

Qëllimi i modulit -Mësuesi kryesor dhe roli i tij/saj në përmirësimin e shkollës është të forcojë të kuptuarit e mësuesve për konceptin e udhëheqjes së mësuesve dhe implikimet praktike në lidhje me rolin proaktiv të mësuesve në përmirësimin e shkollës dhe mbështetjen e zhvillimit profesional të kolegëve. Temat përfshijnë: Kulturën e shkollës bashkëpunuese; Konceptet e liderit për përmirësimin e shkollës: udhëheqje mësimore, udhëheqje mësimore, udhëheqje kurrikulare; Praktikën e liderit Përcaktimi i drejtimit. Synimet me në qendër nxënësin për përmirësimin e shkollës; Ndryshimi i praktikave të mësimit dhe të nxënësve në shkollë; Mjete praktike për mësimit profesional të mësuesve, Partneriteti i shkollës dhe universitetit, Rasti i programit të përmirësimit të shkollës “Shkollë e së Ardhmes” – si mbështetja rritjen profesionale të mësuesve në përmirësimin e shkollës.

12/04/2022



Është mbajtur “Trajnimi për shkrimin e punimeve/artikujve shkencorë”

Më 11 – 13 Prill 2022, u organizua “Trajnimi për shkrimin e punimeve/artikujve shkencorë”, në kuadër të projektit “Rritja e kapaciteteve kërkimore në Arsimin e Lartë në Kosovë (ResearchCult)”, ERASMUS +. Në këtë trajnim morën pjesë rreth 100 staf akademik nga universitetet publike në vend dhe nga Kolegji I-BCM. Në trajnim morën pjesë rreth dhjetë persona (stafi akademik) nga Universiteti “Isa Boletini” në Mitrovicë. Trajnimi u organizua në dy grupe të ndara sipas fushave shkencore: Grupi A: Shkenca sociale dhe ekonomike, shkenca humane dhe juridike dhe Grupi B: Shkenca natyrore, inxhinieri, shkenca mjekësore, TIK dhe teknologji. Trajnuesit ishin profesorë dhe studiues nga Universiteti Sapienza në Romë nga Italia dhe Universiteti i Zagrebit nga Kroacia. Trajnimi u zhvillua në ambientet e Universitetit të Prishtinës “Hasan Prishtina”.

14/04/2022



Marrëveshje Bashkëpunimi me Universitetin “Eqrem Çabej” të Gjirokastrës

Universiteti “Isa Boletini” në Mitrovicë (UIBM) do të bashkëpunoj me Universitetin “Eqrem Çabej” të Gjirokastrës (UGJ) me qëllim të forcimit dhe zgjerimit të shkëmbimeve reciproke në projekte kërkimore, stafit akademik dhe studentëve. Për këtë qëllim të premtën në UIBM, rektori, prof.dr. Alush Musaj dhe homologu i tij nga UGJ, prof.dr. Bektash Mema, nënshkruan një Marrëveshje Bashkëpunimi në emër të këtyre dy universiteteve.

Të dy palët shprehën zotimin që do të bëjnë çdo përpjekje për të forcuar kontaktet direkte dhe bashkëpunimin kërkimor midis anëtarëve të departamenteve dhe fakulteteve të tyre përkatëse. Në këtë kuadër, universitetet do të angazhohen së bashku për të forcuar dhe zgjeruar marrëdhëniet e tyre, që kanë të bëjnë me shkëmbimet reciproke dhe bashkëpunimin në projektet kërkimore në fushat e tyre respektive.

Në marrëveshje janë specifikuar edhe fushat e bashkëpunimit, ku ndër të tjera parashihet shkëmbimi i vizitave të anëtarëve të stafit didaktik dhe kërkimor, të cilat kanë për qëllim promovimin e seminareve, kurseve, konferencave, përgatitjen e projekteve kërkimore në kuadër të programeve të ndryshme dhe shkëmbimin e eksperiencave në fushat me interes të përbashkët.

15/04/2022



U mbajt Konferenca Shkencore Ndërkombëtare “Arritjet e reja në shkencë, teknologji dhe arte”

Më 14 dhe 15 prill 2022, Konferenca Shkencore Ndërkombëtare “Arritjet e Reja në Shkencë, Teknologji dhe Arte”, i zhvilloi punimet në Universitetin “Haxhi Zeka” në Pejë. Kjo konferencë organizohet në kuadër të projektit ResearchCULT, ERASMUS+, ku bashkëorganizator janë institucionet vendore të arsimit të lartë partnere në projekt, duke përfshirë Universitetin “Isa Boletini” në Mitrovicë dhe institucionet ndërkombëtare si: Universiteti Sapienza, Romë, Universiteti i Zagrebit, Universiteti i Ekonomisë Botërore, Sofje etj.

Në konferencë kishte folës kryesorë vendorë dhe ndërkombëtarë. Konferenca u organizua në tetë sesione shkencore të ndara sipas fushave dhe morën pjesë rreth 100 pjesëmarrës me prezantime nga vendi, rajoni dhe më gjerë. Nga UIBM, morën pjesë dekani i Fakultetit të Edukimit, prof. ass. dr. Besim Gollopi i cili ishte edhe bashkëdrejtues i seksionit “Edukimi dhe trajnimi” si dhe stafi akademik me prezantime punimesh.

15/04/2022



Akademik Ilirjan Malollari mbajti ligjëratë për stafin dhe studentët e FTU-së

Në Fakultetin e Teknologjisë Ushqimore, për studentë dhe stafin akademik mbajti ligjëratë tematike Akademik Ilirjan Malollari nga Akademia e Shkencave të Shqipërisë, me titull: “Tendenca të reja në zhvillimin e shkencave të Inxhinierisë Kimike në shekullin XXI”.

Vlen të theksohet se pjesëmarrës në ligjëratë përveç menaxhmentit të FTU-së, ishte edhe Rektori i Universitetit të Gjirokastrës, “Eqrem Çabej”, Prof. Dr. Bektash Mema, Rektori i UIBM, Prof. Dr. Alush Musaj, Prorektori për Bashkëpunim Ndërkombëtar dhe Kërkime Shkencore, Prof. Dr. Behxhet Shala dhe MSc. Jonilda Llupa, PhD kandidate nga Universiteti i Gjirokastrës.

Në kuadër të kësaj ligjërate Akademik Malollari foli për rëndësinë dhe rolin e inxhinierisë kimike në zhvillimin e industrisë duke filluar nga ajo inorganike, farmaceutike si edhe aspekti inxhinierik i zhvillimit të industrisë ushqimore. Në ligjëratatën e tij Akademik Malollari ngrii edhe shqetësimet për ndotjet mjedisore që shkakton industria procesore, por me një optimizëm që krahas avansimit të inxhinierisë kimike do të rritet edhe shkalla e shfrytëzimit dhe zvogëlimi i ndotjeve mjedisore.

Në fund të ligjëratës, të pranishmit patën mundësinë të parashtronjë pyetje rreth ligjëratës së trajtuar.

19/04/2022



Sesion informues për bursat e programit Fulbright Master

Në Universitetin “Isa Boletini” në Mitrovicë u mbajt të mërkurën një sesion informues për bursat e programit Fulbright Master. Koordinatorja e programit, Nora Nimani-Musa, foli për praktikat, mundësitë dhe procedurat rreth aplikimit për studentët e interesuar të UIBM.

Prorektori për Bashkëpunim Ndërkombëtar dhe Kërkime Shkencore, prof.dr. Behxhet Shala, inkurajoi studentët që të aplikojnë në këtë program, duke pasur parasysh mundësitë e mëdha që ofron. Ai tha se do të mbështesin me informacione të nevojshme të gjithë studentët që janë të interesuar për këtë dhe mundësitë të tjera që ofrohen për ta.

20/04/2022



Nxënësit e SHMT “Shaban Spahija” nga Peja vizituan FMIK-un

Një grup nxënësish nga Shkolla e Mesme Teknike “Shaban Spahija” nga Peja kanë vizituar Fakultetin e Inxhinierisë Mekanike dhe Kompjuterike (FIMK) në Universitetin “Isa Boletini” në Mitrovicë (UIBM). Ata kanë ndjekur disa ligjërata dhe kanë vizitar laboratorët e këtij fakulteti.

Gjatë gjithë kohës nxënësit janë shoqëruar nga mësimdhënësit dhe zyrtarët e FIMK-ut, të cilët i kanë njoftuar ata për kushtet e punës dhe programet e studimit. Gjithashtu nënësëve u janë shpërndarë edhe broshura informuese për UIBM -in.

21/04/2022




Prorektori Shala mori pjesë në forumin e parë të Këshillit Kombëtar të Shkencës

Prorektori për Bashkëpunim Ndërkombëtar dhe Kërkime Shkencore në Universitetin “Isa Boletini” në Mitrovicë, prof. dr. Behxhet Shala, mori pjesë në forumin e parë të Këshillit Kombëtar të Shkencës që u mbajt të enjten në Prishtinë. Në këtë forum, ku ishin të pranishëm edhe zv.ministrja e MASHTI-it, Edona Maloku Bërdyna, shefja e Zyrës së Agjencisë së Austrisë për Zhvillim, Sandra Horina, si dhe përfaqësues të Universiteteve dhe Instituteve të Kosovës, u diskutua për përmbajtjen dhe kushtet e zhvillimit të Programit Kombëtar të Shkencës.

Synimi i këtij forumi ishte që duke u bazuar në shkëmbimin e përvojave, duke përfshirë sukseset, sfidat dhe mësimet e nxjerra, t’i ofroj qeverisë udhëzime dhe rekomandime për zbatimin e Programit Kombëtar të Shkencës, dhe mbështetje për strategjitë kombëtare të zhvillimit.

21/04/2022



Marrëveshje Bashkëpunimi ndërmjet Shërbimit Gjeologjik të Kosovës dhe Fakultetit të Gjeoshkencave UIBM

Me qëllim të avansimit të bashkëpunimit në mes të Universitetit “Isa Boletini” konkretisht Fakultetit të Gjeoshkencave dhe Ministrisë së Ekonomisë, zëvendës drejtori Ekzekutiv i Shërbimit Gjeologjik të Kosovës (SHGJK), Luan Morina dhe Dekani i Fakultetit të Gjeoshkencave në Universitetin e Mitrovicës “Isa Boletini”, Naser Peci sot kanë nënshkruar marrëveshje bashkëpunimi.

Qëllimi i kësaj marrëveshjeje bashkëpunimi të lidhur ndërmjet SHGJK-së dhe Fakultetit të Gjeoshkencave, është caktimi i hapësirës në kuadër të Fakultetit të Gjeoshkencave, për krijimin e kushteve për vendosjen dhe funksionalizimin e pajisjeve laboratorike të Shërbimit Gjeologjik të Kosovës si dhe caktimin e hapësirës në kuadër të kampusit të Universitetit “Isa Boletini” në Mitrovicë, për ndërtimin e një objekti me qëllim të vendosjes dhe ruajtjes së mostrave / bërthamave nga aktivitetet gjeologjike.

Po ashtu, përmes kësaj marrëveshjeje përcaktohet mënyra e shfrytëzimit të ndërsjellët të pajisjeve laboratorike të Shërbimit Gjeologjik të Kosovës dhe Fakultetit të Gjeoshkencave si dhe organizimin e konferencave të ndryshme shkencore për qëllime të promovimit të sektorit minerar.

26/04/2022



Qendra për Inovacion dhe Ndërmarrësi në UIBM u shndërrua në storie suksesi në gjithë Kosovën

Qendra për Inovacion dhe Ndërmarrësi në Universitetin “Isa Boletini” në Mitrovicë (UIBM), është shndërruar në një storie suksesi duke mbetur si e vetmja që ka mbijetuar dhe vazhduar të funksionoj në Kosovë. Kështu u vlerësua kjo qendër në aktivitetin për shënimin e “Ditës Botërore të Inovacionit”, që u mbajt në Ministrinë e Industrisë, Ndërmarrësisë dhe Tregtisë dhe ku ishin të pranishëm edhe kryeministri, Albin Kurti si dhe ministrja, Rozeta Hajdari.

Drejtori i Qendrës për Inovacion dhe Ndërmarrësi në UIBM, Besart Hajrizi, shprehu kënaqësinë për vlerësimin sa i përket punës së kësaj qendre. Sipas tij, kjo është e vetmja qendër e këtillë që ka mbijetuar dhe ka vazhduar funksionimin në vend. “Në këtë qendër organizohen trajnime për studentë dhe të rinj, duke ofruar mundësi për ngritjen e tyre profesionale në lëmi të ndryshme”, tha ai.

Ndryshe, “Dita Botërore e Inovacionit dhe Kreativitetit” ka filluar të shënohet më 21 prill në shumë vende të botës, që nga viti 2001 ndërsa, është zyrtarizuar në vitin 2017, me qëllim të nderimit të aktiviteteve krijuese e inovative.

27/04/2022



Urimi i rektorit, prof.dr. Alush Musaj, për Fitër Bajram

Të nderuar studentë, mësues dhe punëtorë të administratës në Universitetin “Isa Boletini” në Mitrovicë, si dhe të gjithë ju qytetarë të besimit islam, më lejoni t’ju uroj Fitër Bajramin. Pas muajit të madhërishtëm të Ramazanit, muajit të devotshmërisë dhe solidaritetit, bëhemi bashkë në familjet tona për të festuar dhe çmuar njëri – tjetrin.

Bëhemi bashkë për t’i harruar për një moment hallet e përditshme dhe për t’u ndje të plotë pranë njerëzve tanë. Festojmë në vendin tonë të lirë, në shtetin tonë, me familjet dhe miqtë tanë dhe jemi mirënjohës Zotit dhe njerëzve që sakrifkuan për ne! Urime!

Me respekt

Rektori

Prof.dr.Alush Musaj

01/05/2022



Filloi fushata informuese për programet e studimit në UIBM

Qendra për Zhvillim të Karrierës (QZHK) në Universitetin “Isa Boletini” në Mitrovicë (UIBM), në bashkëpunim me Parlamentin Studentor dhe përfaqësuesit e njësive akademike, ka filluar të enjten fushatën informuese për programet e studimit nëpër shkollat e rajonit të Mitrovicës. Në ditën e parë janë mbajtur takime informuese me maturantët e Shkollës Teknike në Mitrovicë, Shkollës Teknike, Shkollës Profesionale dhe Gjimnazit në Vushtri.

Alban Fazliu, zyrtari i lartë QZHK-së, tha se maturantët janë informuar në detaje për programet dhe kushtet e studimit në UIBM. “Gjatë këtyre takimeve janë shfaqur video informuese për programet e studimit, kampusin dhe kushtet që ofrohen në UIBM. Gjithashtu janë shpërndarë edhe broshura informuese”, tha ai.

Sipas tij, interesimi në përgjithësi ka qenë i mirë dhe për këtë ai falënderoi drejtorët e shkollave për organizimin që kanë bërë. “Fushata do të vazhdojë të premtën me nxënësit e Gjimnazit “Frang Bardhi” Mitrovicë në Mitrovicë, Shkollës së Mesme Ekonomike “Hasan Prishtina” në Mitrovicë dhe ata të Shkollës së Mjeksisë “Xheladin Deda” në Mitrovicë”.

05/05/2022



U promovua libri i ish-presidentit, Bamir Topi, “Betejat e humbura të Tiranës”

Organizuar nga Universiteti “Isa Boletini” në Mitrovicë (UIBM) është promovuar të premten libri “Betejat e humbura të Tiranës”, me autor, ish-presidentin e Shqipërisë, Bamir Topi. Në promovim ishin të pranishëm edhe rektorë nga universitetet tjera publike, profesorë, studentë si dhe dashamirës të librit.

Rektori i UIBM, prof.dr. Alush Musaj, falënderoi autorin e librit që ka zgjedhur këtë mjedis akademik për promovimin e librit të tij. “Vetë prania juaj sot këtu është ngjarje për universitetin tonë, ndërsa promovimi i librit tuaj është një mundësi më shumë për ne të gjithë dhe veçanërisht për studentët që të komunikojnë me ju dhe me Tiranën nëpërmjet librit tuaj”.

Për librin foli, Ahmet Jashari, drejtor për Informim dhe Komunikim me Publikun në UIBM. Sipas tij, “Betejat e humbura të Tiranës”, është një monografi e llojit të veçantë për Tiranën. “Është libër për Tiranën nga një tiranas, që e përjeton Tiranën për çdo ditë. Si mjedhaje ai e sheh më ndryshe këtë qytet, i cili ka kaluar 100 vjet si kryeqytet i Shqipërisë”.

Sipas tij, autori sfidon historinë e konstruktuar të këtij qyteti nga elitat politike. “Cilat janë betejat e humbura të Tiranës? Pse një titull i tillë? Humbja e identitetit kulturor dhe shoqëror të një qyteti që shërben si kryeqendër e shtetit që një shekull është frika e autorit.

06/05/2022



Përfaqësues të Fakultetit Ekonomik – Prilep të Universitetit “Saint Kliment Ohridski” vizituan UIBM

Në kuadër të objektivave të Universitetit “Isa Boletini” në Mitrovicë për mritjen e numrit të bashkepunimeve me institucione të arsimit të lartë, rektori i UIBM, prof.dr. Alush Musaj, prorektorja për Mësimdhënie, Çështje të Studentëve dhe Zhvillim të Cilësisë, prof.ass.dr. Merita Shala si dhe dekani i Fakultetit Ekonomik, prof.asoc.dr.Qazim Tmava, kanë pritur në takim përfaqësues të Fakultetit Ekonomik – Prilep të Universitetit “Saint Kliment Ohridski” – Bitola të Maqedonisë së Veriut. Nga Fakulteti Ekonomik i Prilepit në takim të pranishëm ishin dekani i Fakultetit Ekonomik, prof.dr.Dragica Odzaklieska si dhe prodekanja e Fakultetit Ekonomik të Prilepit, prof.dr.Tatjana Spaseska. Gjatë takimit ishin të pranishëm edhe prof.ass.dr. Filloreta Kunoviku Demiri dhe prof. Milaim Mehmeti.

Në takim u diskutuan çështje me interes të përbashkët siç janë shkëmbimi i stafit dhe studentëve ndërmjet dy institucioneve, bashkëpunimi për aplikim në programe të përbashkëta të studimeve, organizimi i konferencave shkencore të përbashkëta si dhe ndër shumë çështje tjera edhe themelimi i një reviste shkencore të përbashkët.

10/05/2022



Marrëveshje bashkëpunimi ndërmjet Fakultetit Ekonomik – UIBM dhe Fakultetit Ekonomik – Prilep të Universitetit “Saint Kliment Ohridski” Bitola nga Maqedonia e Veriut

Me qëllim të ngritjes së bashkëpunimit në mes të Universitetit “Isa Boletini” në Mitrovicë, konkretisht të Fakultetit Ekonomik dhe Fakultetit Ekonomik – Prilep, dekani i FE, prof.asoc.dr. Qazim Tmava dhe dekanja e FEP, prof.dr. Dragica Odzaklieska, kanë nënshkruar një marrëveshje bashkëpunimi ndërmjet dy institucioneve.

FE – UIBM dhe FEP përmes marrëveshjes së nënshkruar kanë rënë dakord për objektivat dhe aktivitetet e mëposhtme:

- a) shkëmbimin e informacionit me interes të ndërsjellë, në lidhje me përmirësimet në mësimdhënie, zhvillimin e studentëve dhe kërkimin shkencor në çdo institucion, duke përfshirë shkëmbimet ndërmjet bibliotekave të çdo institucioni.
- b) shkëmbimin e anëtarëve të personelit akademik dhe/ose hulumtuesve, me objektiv ofrimin e kurseve dhe realizimin e projekteve kërkimore në fusha të dakorduara reciprokisht nga të dy institucionet.
- c) shkëmbimi i studentëve për periudha të ndryshme studimi dhe/ose kërkimi si dhe mbikëqyrja e përbashkët e studentëve.
- d) zhvillimin e kurseve të përbashkëta, kunikulave apo edhe programeve të përbashkëta akademike në fusha me interes të përbashkët, duke përfituar nga infrastruktura dhe ekspertiza arsimore plotësuese...

13/05/2022



Përmbillet fushata informuese nëpër shkollat e mesme për mundësitë e studimeve në UIBM

Ka vazhduar fushata informuese nëpër shkollat e rajonit të Mitrovicës për programet dhe kushtet e studimit në Universitetin “Isa Boletini” në Mitrovicë (UIBM) për vitin akademik 2022/23. Në këtë kuadër të premten janë mbajtur takime informuese me nxënësit e Shkollës së Mesme të Mjekësisë “Xheladin Deda” në Mitrovicë si dhe me nxënësit e shkollave të mesme në Komunën e Skenderajt.

Fushata informuese është organizuar nga Zyra për Informim dhe Komunikim me Publikun, përkatësisht Qendra për Zhvillim në Kamërë së bashku me Parlamentin Studentor dhe Këshillat e Studentëve nëpër njësi akademike. Gjatë kësaj fushate, ku kanë marrë pjesë edhe përfaqësues nga fakultetet, janë realizuar vizita dhe janë mbajtur takime informuese nëpër të gjitha shkollat e mesme të Mitrovicës, Vushtrisë dhe Skenderajt.

Nxënësit përveç se janë njoftuar për programet e studimit në UIBM, atyre u janë shpërndarë broshura dhe materiale të tjera informuese dhe kanë pasur rastin që të ndjekin edhe video të kampusit universitar, sallave të mësimi, kabineteve, laboratorëve, bibliotekave etj. Zyrtari i lartë i QZHK-së, Alban Fazliu, falënderoi drejtorët e shkollave për korrektësinë dhe mundësitë e ofruara për zhvillimin e kësaj fushate informuese.

Aktivitete të tjera informuese për të rinjtë që duan të studiojnë në UIBM do të organizohen edhe në periudhën që do të hapet konkursi për pranim të studentëve në vitin e ri akademik.

13/05/2022



UIBM përfaqësohet me ekipe në futsall dhe pingpong në kampionatet e sporteve universitare

Ekipe të studentëve në futsall dhe pingpong janë duke vazhduar ta përfaqësojnë Universitetin “Isa Boletini” në Mitrovicë (UIBM) në kampionatet e organizuara nga Federata e Sporteve Universitare të Kosovës (FSUK). Pjesë e kampionateve në sporte të ndryshme janë ekipe nga të gjitha universitetet publike dhe nga dy kolegje private.

Të dyja ekipet e studentëve të UIBM janë duke treguar lojërë të mirë, përderisa ekipi i pingpongut aktualisht gjendet në vendin e tretë në tabelë. Studentët shprehën të kënaqur me organizimin dhe atmosferën e kampionateve universitare.

Avdyl Beqiri, anëtar i Bordit të FSUK, tha se interesimi i studentëve për t’u bërë pjesë e kampionateve në sporte të ndryshme vazhdon të jetë i mirë. Sipas tij, lojërat zakonisht mbahen në palestrën “1 Tetori” në Prishtinë dhe deri me tani gjithçka ka shkuar mirë.

13/05/2022



Studentët e UIBM pjesë e hikingut në majën e Shtrazës

Studentët e Universitetit “Isa Boletini” në Mitrovicë dhe ata të universiteteve dhe kolegjeve të ndryshme, pjesëtarë të Federatës së Sporteve Universitare të Kosovë, së bashku me drejtuesit e Federatës, realizuan në vikend ecje në majën e Shtrazës. Shtraza – mëza e Lubotinit ishte atraksioni natyror, të cilin studentët e eksploruan duke mbetur shumë të kënaqur. Hiking-u është njëra ndër aktivitetet të cilin FSUNK-ja e organizon me studentë, në mënyrë që të promovoj ecjen dhe aktivitetet në natyrë tek të rinjtë, aktivitetet në natyrë, por edhe të risë njohuritë e tyre për treva të ndryshme dhe bukuritë e Kosovës.

16/05/2022



Dekani i Fakulteti Gjeoshkencave Prof. Dr Naser Peci mori pjesë ne takimin e organizuar nga TAIEX

Dekani i Fakulteti Gjeoshkencave Prof. Dr Naser Peci mori pjesë ne takimin e organizuar nga TAIEX (Asistencë Teknike dhe Instrumenti i Shkëmbimit të Informacionit) të Komisionit Evropian në bashkëpunim me Shërbimin Gjeologjik të Kosovës me qëllim të Misionit të TAIEX-it për Strategjinë e Mbrojtjes së Tokës dhe Reduktimin e Rrezikut të Rrëshqitjeve.

Qëllimi i Misionit të Ekspertëve është të ofrojë udhëzime për identifikimin, regjistrimin dhe monitorimin e rrëshqitjeve, me fokus në metodat cilësore dhe sasore për vlerësimin e ndjeshmërisë ndaj rrëshqitjeve, në mënyrë që të përgatisë harta dhe katalog të inventarit të rrëshqitjeve. Në këtë kuptim, misioni i afrohet vlerësimit të rrezikut të rrëshqitjeve të dherave dhe kontribuon në zbatimin e strategjive efektive të mbrojtjes së tokës dhe reduktimit të rrezikut nga fatkeqësitë.

Përfitues nga ky mision i TAIEX-it janë institucionet si: Shërbimi Gjeologjik i Kosovës, Fakulteti i Gjeoshkencave – UIBM, Ministria Mjedisit Planifikimit Hapësinor dhe Infrastrukturës, Ministria e Punëve të Mbrendshme dhe Administratës Publike, Komisioni i Pavarur për Miniera dhe Minerale, Komunitat Prizren, Kaçanik dhe Istog, Agjensite përkatëse si: Instituti Hidrometeorologjike, Agjensioni Mbrojtjes Mjedisit, Agjensini Menaxhimit Emergjencave.

17/05/2022



UIBM do të bëhet pjesë e projekteve ndërkombëtare të Universitetit “Eqrem Çabej”

Universiteti “Eqrem Çabej” në Gjirokastrë (UOGJ) ka ofruar mundësi për Universitetin “Isa Boletini” në Mitrovicë (UIBM) që të bëhet pjesë në secilin projekt ndërkombëtar që aplikojnë. Këtë zotim e dha rektori i UOGJ-së, prof. dr. Bektash Mema, gjatë pritjes së një delegacioni nga UIBM, të përbërë nga rektori, prof. dr. Alush Musaj, prorektori, prof.dr. Behxhet Shala dhe dekani i Fakultetit të Teknologjisë Ushqimore, prof.dr. Milaim Sadiku.

Rektori Mema theksoi se UOGJ ka krijuar një përvojë të mirë sa i përket projekteve ndërkombëtare, që kanë krijuar mundësi të mëdha si për studentët ashtu edhe për stafin akademik. “Megjithëse universitetet tona janë në dy skajet e trojeve shqiptare, në jug dhe veri, mundësitë e bashkëpunimit me përfitime reciproke janë të shumta”, tha ai.

Rektori i UIBM, prof. dr. Musaj, falënderoi homologun e tij dhe gjithë ekipin e UOGJ-së për pritjen dhe ofrimin e bashkëpunimit në fusha të ndryshme. Në këtë kuadër ai përmendi mbështetjen reciproke për hapjen e programeve që mund të vlerësohen atraktive për njërin apo tjetrin universitet.

19/05/2022



20 studentë të FIMK – ut vizituan Parkun Inovativ në Prizren

Një grup prej 20 studentësh të departamentit “Shkenca Kompjuterike dhe Inxhinieri”, në kuadër të Fakultetit të Inxhinierisë dhe Mekanike dhe Kompjuterike (FIMK), kanë vizituar Parkun Inovativ në Prizren “ITP Prizren”. Vizita në këtë Park Inovativ ishte organizuar në bashkëpunim me GIZ – i për studentët e shkencave kompjuterike në nivel vendi.

Në këtë kuadër të pranishëm ishin rreth 200 studentë të kësaj fushe nga universitetet dhe kolegjet e vendit. Ata kanë parë për së afërmi mundësitë që ofrohen në këtë Park Inovativ sa i përket profesionit të tyre.

24/05/2022




Takim i grupit punues për rishikimin e Planit Strategjik (2022 -2025) të UIBM

Grupi punues për rishikimin e Planit Strategjik (2022 – 2025) të Universitetit “Isa Boletini” në Mitrovicë (UIBM), ka mbajtur një takim të përbashkët me grupet përgjegjëse për objektivat e këtij plani. Në takim u diskutua për hamonizimin e propozimeve që janë dhënë pas punës së grupeve përgjegjëse për secilën nga objektivat veç e veç.

Koordinatori i grupit punues për rishikimin e Planit Strategjik (2022-2025), prof.dr. Ylber Januzaj, falënderoi të gjithë bartësit dhe anëtarët e grupeve për punën dhe kontributin e tyre. “Është bërë një punë e mirë prej të gjitha grupeve, ku kanë qenë të përfshirë prej menaxhmentit, stafit akademik, studentëve, administratës dhe biznesit”.

Sipas tij, pas miratimit të draftit të këtij plani në Këshillin Drejtues, ai do të vihet në diskutim publik. “Në fund të këtij procesi presim që ta kemi një dokument tepër të rëndësishëm që do të jetë udhërrëfyes për universitetin tonë për periudhën 2022 -2025”, tha ai.

28/05/2022



Filloi trajnimi për videoproduksion

Organizuar nga Agjencia për Zhvillim Rajonal – Veri (AZHR-Veri) dhe Qendra për Zhvillim të Kamierës në Universitetin “Isa Boletini” në Mitrovicë (UIBM), ka filluar të shtunën trajnimi për videoproduksion me studentët dhe të rinjtë e rajonit. Këtë trajnim që mbahet në Bibliotekën Universitare në UIBM, e kanë mbështetur edhe Komunitet e Mitrovicës, Skenderajt dhe Vushtrisë, prej kohësh pjesëmarrësit.

Drejtori për Informim dhe Komunikim me Publikun në UIBM, Ahmet Jashari, tha se organizimet e këtilla të përbashkëta me organizata dhe institucione të tjera, sikur ky trajnim, ofrojnë mundësi të jashtëzakonshme për studentët dhe të rinjtë. “Tashmë kemi krijuar një traditë të sukseshme bashkëpunimi me AZHR – Veri, në të mirë të studentëve, të të rinjëve dhe shoqërisë në përgjithësi”, tha ai.

Drejtoresha e AZHR-Veri, Rreze Duli, tha se ky trajnim ka për qëllim fuqizimin ekonomik të të rinjëve. “Objektivat kryesore të trajnimit janë: Aftësimi profesional për ngritjen e aftësive të fuqisë punëtore dhe kompetencës profesionale dhe ofrimi i trajnimeve profesionale dhe përfshirja e tyre në programet e masave aktive të tregut të punë”, tha ajo.

28/05/2022



Më shumë se 100 libra të ish-profesorit universitar, prof.dr. Ejup Hamiti, i dhurohen UIBM – së

Një fond prej më tepër se 100 librash që kanë si autor apo bashkautor ish-profesorin universitar, prof.dr. Ejup Hamiti, i janë dhuruar Bibliotekës Universitare të Universitetit “Isa Boletini” në Mitrovicë (UIBM). Në emër të familjes, librat janë dhuruar nga Miradije Hamiti, gruaja e ish – profesorit të ndjerë.

Ky fond librash nga fusha e matematikës e ka pasuruar Bibliotekën Universitare në UIBM dhe do të jetë në shërbim të studentëve dhe stafit akademik. Dhurimi i librave nga fondet personale tashmë është shndëruar në një praktikë të mirë në UIBM.

30/05/2022



Shqyrtohen mundësitë që ofrohen për studentët dhe stafin akademik nga një Memorandum Bashkëpunimi ndërmjet Ambasadës Amerikane dhe MASHTI-it

Universiteti “Isa Boletini” në Mitrovicë (UIBM) synon të përfitoj nga programi Fulbright, në kuadër të një Memorandumi Bashkëpunim ndërmjet Ambasadës Amerikane në Kosovë dhe Ministrisë së Arsimit, Shkencës, Teknologjisë dhe Inovacionit (MASHTI). Për të biseduar për mundësitë që ofrohen për universitetet nga kjo marrëveshje, të premtën qëndruan në UIBM Qamile Sinanaj, udhëheqëse në Divizionin për Bashkëpunim Ndërkombëtar në MASHTI dhe Remzije Potoku, specialiste për Edukimin e Lartë në Ambasadën Amerikane.

Ato u pritën në takim nga prorektori për Bashkëpunim Ndërkombëtar dhe Kërkime Shkencore, prof.dr. Behxhet Shala dhe prorektorja për Buxhet dhe Financa, Ajtene Avdullahi, të cilët shprehën interesimin për mundësitë që ofrohen nëpërmjet kësaj marrëveshje për studentët dhe stafin akademik në UIBM. Marrëveshja synohet të nxit bashkëpunimin e institucioneve arsimore, shkencore dhe kërkimore në të dyja shtetet, inkurajon përmirësimin e kualifikimeve të profesionistëve akademikë, studiuesve, mësuesve dhe studentëve si dhe promovon projekte kërkimore të përbashkëta.

03/06/2022



Rektori Musaj, ngushëllon familjarët e profesorit të ndjerë, prof.dr. Isa Tahiri

Të nderuar familjarë, miq dhe kolegë të profesorit të ndjerë, prof.dr. Isa Tahiri, i pikëlluar me lajmin për ndarjen e tij nga jeta, më lejoni që të shpreh ngushëllimet më të sinqerta në emrin tim personal dhe në emër të Universitetit “Isa Boletini” në Mitrovicë (UIBM). Përveç familjes, ai do t’i mungojë Universitetit tonë, studentëve, kolegëve dhe miqve.

Jeta dhe vepra e tij, kontributi në fushën e shkencës, puna me studentët dhe korrektësia në secilin pozitë që ka mbajtur, e kanë bërë një emër të respektuar gjithandej. Kujtimet e mira dhe emri i mirë që ka lënë janë ngushëllimi më i mirë edhe për familjen.

Duke bashkëndjerë me ju në këto momente dhimbje dhe pikëllimi, lutemi që shpirti i tij të prehet në paqe!

Me respekt

Prof.dr.Alush Musaj

Rektor

06/06/2022



Heras+ organizoi punëtori dy ditore për stafin akademik të UIBM-së në lidhje me Menaxhimin e Cilkit të Projektit

Projekti Heras Plus mundësoi një punëtori dyditore të përshtatur për Menaxhimin e Cilkit të Projektit (MCP) për Universitetin “Isa Boletini”-Mitrovicë.

Punëtorja u krijua së bashku nga ekipi HERAS Plus dhe udhëheqësia e UIBM-së. Aktiviteti u ndoq nga 20 pjesëmarrës të stafit akademik, i mbikëqyrur nga Rektori i UIBM, Prof. Dr. Alush Musaj.

Punëtorja e personalizuar kishte për qëllim ngritjen e kapaciteteve të një ekipi të përzgjedhur të stafit akademik të UIBM për shkrimin, monitorimin dhe zbatimin e projekteve.

Programi kishte për qëllim të mbulojë të gjitha lëndët kryesore të përfshira në MCP, ndërsa metodat e zhvillimit ishin përmes prezantimeve, punës në grup dhe sesioneve të trajnimit.

Trajnimi është pjesë e mbështetjes që i jepet UIBM-së bazuar në fondin konkurues për zhvillimin strategjik të universiteteve publike dhe është në përputhje me veprimet e përbashkëta të dakorduara në Memorandumin e Mirëkuptimit ndërmjet Projektit HERAS Plus dhe Universitetit.

HERAS Plus financohet nga Agjencia Austriake për Zhvillim dhe bashkëfinancohet nga MESTI dhe zbatohet nga WUS Austria, Zentrum für Soziale Innovation – ZSI dhe OeAD.

07/06/2022



Projekti i UIBM-së Equality through education – raising awareness of the rights of persons with disabilities i mbështetur nga ana e HERAS+ është duke vazhduar aktivitetet e tij të rregullta

Takimet e deritanishme kanë pasqyruar gatishmërinë e ekipit implementues të projektit dhe të partnerëve për të kuptuar gjendjen reale të personave me aftësi të kufizuara dhe nevojat me të cilat përballen ata. Kjo do të mundësohet përmes selektimit të fokusgrurit të studentëve dhe implementimit të një pyetësori me ta dhe me asistentet nga radhet e stafit akademik.

Në këto takime, poashtu, është konfirmuar se UIBM edhe përmes këtij projekti respekton diversitetin dhe në mesin e grupeve të punës përfshinë student dhe palë tjera të interesit.

Projekti do të vazhdojë me aktivitetet e parapara deri në përpmbylljen e tij në tetor të këtij viti. UIBM, përveç shumë sferave tjera, përmes këtij projekti mbetet i përkushtuar për të shërbyer sa më shumë në komunitet.

08/06/2022



U mbajt Mbledhje Komemorative për prof.dr. Isa Tahirin

Drejtues të Universitetit “Isa Boletini” në Mitrovicë (UIBM), mësimdhënës, studentë, miq dhe familjarë, kanë marrë pjesë të enjten në Mbledhjen Komemorative kushtuar profesorit, Isa Tahiri, i cili u nda nga jeta më 6 qershor 2022. I ndjeri ishte profesor në Fakultetin Ekonomik në UIBM dhe vdekja e gjeti në moshën 64 vjeçare.

Rektori i UIBM, prof.dr. Alush Musaj, tha se Universiteti “Isa Boletini”, ka pasur fatin dhe privilegjin që në mesin e stafit akademik ta ketë një mësimdhënës sikur profesor Tahiri, me një sfond të pasur shkencor e intelektual. “Ai u nda papritmas prej nesh, prej studentëve, prej familjes. Neve do të na mungojë kolegu korrekt, studentëve pedagogu i përkushtuar, ndërsa familjes kryefamiljari shembullor. Ai gjithsesi do t’i mungojë jetës akademike në Kosovë, duke pasur parasysh kontributin e tij në këtë aspekt”.

Sipas tij, Universiteti ka humbur një profesor të çmuar, emri i të cilit do të ruhet në librat e tij nëpër bibliotekat universitare, nëpër duart e studentëve dhe studiuesve gjithandej. “Ai do të nderohet e respektohet si një nga personalitetet e shquara të Mitrovicës, e sidomos të Universitetit “Isa Boletini””, theksoi ai.

09/06/2022



Konferenca e Rektorëve mbajti mbledhjen e radhës

Konferenca e Rektorëve e Universiteteve Publike të Kosovës, ka zhvilluar të hënën mbledhjen e radhës e cila u mbajt në Universitetin “Haxhi Zeka” në Pejë. Në takim u diskutuan ecuritë e përfundimit të semestrit veror në të gjitha universitetet pjesëmarrëse të konferencës.

Pikë tjetër diskutimi, në këtë mbledhje të kryesuar nga rektori i Universitetit “Isa Boletini” në Mitrovicë (UIBM), prof.dr. Alush Musaj, ishte edhe përgatitja për pranimin e studentëve të rinj për vitin e ardhshëm akademik 2022/2023. Pjesëmarrësit u pajtuan se edhe këtë vit si sfidë e përbashkët e arsimit të lartë në Kosovë është trendi negativ i numrit të studentëve të interesuar për regjistrim.

13/06/2022



Stafi i UIBM pjesë edhe i një Aksioni të COST-it

Një nga stafi akademik i UIBM-së (Ass. Bastri Zeka – FGJ) ka marr aprovimin për të qenë pjesë në dy grupe të hulumtimit në kuadertë Aksionit COST CA20130, i cili do të zgjas deri në vitin 2025. Ky Aksion udhëhiqet nga Instituti Federal për Kërkimin dhe Testimin e Materialeve (BAM)- Departmenti i materialeve dhe mjedisit në Berlin – Gjermani.

Qëllimi dhe objektivi kryesor i Aksionit është që, në kontekstin e kërkimit/kontrollit të Korrozionit të ndikuar Mikrobiologjikisht (MIC – ang.), të inkurajojë një bashkëpunim dhe komunikim sinergjik, duke mbyllur hendekun midis shkencëtarëve dhe inxhinierëve të materialeve, mikrobiologëve, kimistëve dhe menaxherëve për të inkurajuar ndërveprim të mjaftueshëm midis akademise dhe industrise.

Linku i Aksionit: <https://www.euro-mic.org/about/>.

14/06/2022



Memorandum Bashkëpunimi me ADRC – MCM kuadër të projektit “Drejt lehtësimit të qasjes në drejtësi në veri të Kosovës”

Universiteti “Isa Boletini” në Mitrovicë (UIBM) dhe organizata Alternative Dispute Resolution Center – Mediation Center Mitrovica (ADRC – MCM), do të bashkëpunojnë dhe bashkërendojnë aktivitet në kuadër të projektit “Drejt lehtësimit të qasjes në drejtësi në veri të Kosovës”. Për këtë qëllim u nënshkrua edhe një Memorandum Bashkëpunimi nga rektori i UIBM, prof.dr. Alush Musaj dhe Zana Sylja, koordinatore e projektit.

Memorandumi synon të promovojë përpjekjet e përbashkëta të dy palëve në avancimin e çështjeve me interes reciprok. Palët do të bashkërendojnë aktivitetet në drejtim të promovimit dhe afimimit të programit të praktikës për jurist të rinj të paraparë në kuadër të projektit “Drejt lehtësimit të qasjes në drejtësi në veri të Kosovës” të mbështetur nga National Endowment for Democracy.

Sipas Memorandumit, UIBM dhe ADRC – MCM do të bashkëpunojnë në aktivitete tjera që i kontribuojnë programit të praktikës për jurist të rinj dhe iniciativa dhe përpjekje si: informimi për module dhe programe të ndryshme relevante të studimit, informimi i studentëve për mundësi të ndryshme të angazhimit.

14/06/2022



Takim konsultativ me Bordin Industrial për Planin Strategjik (2022 – 2025)

Në kuadër të aktiviteteve për hartimin e Planit Strategjik (2022- 2025) të Universitetit “Isa Boletini” në Mitrovicë (UIBM), të martën u mbajt një takim konsultativ me Bordin Industrial. I pranishëm në takim ishte edhe rektori, prof.dr. Alush Musaj, i cili falënderoi të pranishmit për kontributin e tyre sa i përket hartimit të Planit Strategjik të UIBM.

Ai theksoi se Plani Strategjik është dokumenti më i rëndësishëm për zhvillimin e Universitetit, duke pasur parasysh se përcaktimi i objektivave realizohet në bashkëpunim me shumë akterë. “Bashkëpunimi me biznesin është nxitur gradualisht viteve të fundit dhe kjo patjetër se prodhon rezultate të prekshme dhe përfitime të gjithanshme”, tha ai.

Në anën tjetër, kryetari i Bordin Industrial, Visar Idrizi, përgëzoi rektorin Musaj dhe gjithë bashkëpunëtorët e tij për qasjen ndaj bizneseve. “Kemi parë një hapje të Universitetit ndaj nesh si biznese. Ne jemi shumë të interesuar që nisim bashkëpunim me interes reciprok”, tha ai.

14/06/2022



Universiteti “Isa Boletini”, për të pestin vit me radhë pa asnjë vërejtje nga auditimi

Për të pestin vit me radhë nuk është gjetur asnjë vërejtje nga Zyra Kombëtare e Auditimit sa i përket menaxhimit financiar në Universitetin “Isa Boletini” në Mitrovicë (UIBM). Kjo konkluzë ka dalur nga raporti i publikuar nga Zyra Kombëtare e Auditimit për pasqyrat financiare vjetore (2021) për Ministrinë e Arsimit Shkencës, Teknologjisë dhe Inovacionit (MASHTI), gjegjësisht për nënprogramet që funksionojnë në kuadër të kësaj ministrie, pjesë e të cilës është edhe UMIB-i.

Rektori i UIBM, prof.dr. Alush Musaj, tha se tashmë është krijuar një traditë e menaxhimit të mirë në këtë institucion. “Me këtë rast dua ta përgëzoj Drejtorinë për Buxhet dhe Financa dhe të gjithë punëtorët e administratës për punën e tyre profesionale”.

Drejtori për Buxhet dhe Financa, Besim Kurti, tha se edhe këtë herë si katër vite resht auditori nuk ka të gjetura dhe rekomandime për UMIB-in. Sipas tij, procesi i auditimit në UIBM është kryer në përputhje me Standardet Ndërkombëtare të Institucioneve Supreme të Auditimit (SNISA). “Sipas këtyre standardeve është prezantuar dhe kontrolluar dokumentacioni i kërkuar duke dhënë mundësinë e konsultimeve të përgjegjësve që mbulojnë fushat që ishin objekt i kontrollit. Dosjet e kërkuara ishin të mjaftueshme që auditori i përgjithshëm të jep opinion profesional lidhur me menaxhimin financiar”, tha ai.

21/06/2022



Marrëveshje bashkëpunimi me Tekirdag Namik Kemal University nga Turqia

Në kuadër të objektivave të Universitetit “Isa Boletini” në Mitrovicë për mjetin e numrit të bashkëpunimeve me institucione të arsimit të lartë, Rektori i UIBM-së Prof.Dr. Alush Musaj ka lidhur marrëveshje bashkëpunimi me Rektorin e Tekirdag Namik Kemal University nga Turqia Prof. Dr. Mümin Şahin.

UIBM dhe TNKU përmes marrëveshjes së nënshkruar kanë rënë dakord për objektivat dhe aktivitetet e mëposhtme:

Aktivitete të përbashkëta si: hulumtime, ligjërata, simpoziume, projekte të përbashkëta si Erasmus+, Horizon Europe etj., dhe shkëmbimi i hulumtuesve që kanë të bëjnë me to;
Zhvillimi i programeve dhe kurseve akademike me përfitim të ndërsjellë;
Shkëmbimi i informacionit dhe i materialeve në ato fusha, të cilat janë me interes për të dyja palët;
Shkëmbimi i studentëve dhe stafit akademik;
Publikime të përbashkëta të punimeve shkencore.

27/06/2022